



Inatsisartuni ilaasortaq  
Múte B. Egede

**§ 37 naapertorlugu apeqqummut nr. 100, 2016, akissuteqaat**

Inatsisartut Suleriaasianni § 37 naapertorlugu apeqqutit 7-it matuma kingulianiittut saqqummiuppatit. Apeqqutinut 1-imut, 2-imut, 3-imut aamma 4-imut, aatsitassarsiorluni suliaasanut atatillugu avatangiisini nalilersuineranut apeqqutinut tunngassuteqartunut akissuteqaatit, paasissutissat Aatsitassanik Suliassa qarfinnut Avatangiisinut Aqutsisoqarfimmit piniarneqartut tunngavigalugit suliarineqarput.

12. april 2016  
Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail:  
isiin@nanoq.gl

*1. Mineralinik ujaasineranut ingerlatseqatigiiffiup GME'p 2. dec. 2015 børsnotererneqarnera ilanngunneqartoq, tassa niuertut aningaasarsiuteqartullu allat niueqatigiittarfiannut allatsinnera, taamatullu taamaasinerani Kuannersuarni ingerlassaq pillugu ingerlatseqatigiiffiup VVM-imut nalunaarut Naalakkersuisunut tunniutereersimagaa ilumoorpa?*

**Akissut:** Ingerlatseqatigiiffiup 2015-ip naanerani VVM-imut nassuiaammut missingiut, taassuma tusarniaassutigalugu nassiunneqarsinnaalinnginnerani, nassuiaatip inaarsarneqarnissaanut atugassamik ilitserorneqarnissaq siunertaralugu, Aatsitassanik Suliassa qarfinnut Avatangiisinut Aqutsisoqarfimmut oqaaseqarfigineqartussangorlugu tunniuppa.

*2. Apeqqummut 1.-mut akissut aappiuppat, taava suna pillugu VVM-imut nalunaarut Naalakkersuisuniit avammut saqqummiunneqanngila, imaluunniit tigusimanera pillugu nalunaaruteqartoqanngila?*

**Akissut:** Apeqqummut 1-imut akissuteqaatinga innersuussutigissavara. VM-imut nassuiaat, aatsaat imarisai piumasaaqatinut VVM-imut nassuiaammut piumasaaqatigineqartunut sanilliullugit nalilersorneqareerpata tamanut saqqummiunneqassaaq aammalu tusarniaassutigalugu nassiunneqassalluni. Aatsitassanik Suliassa qarfinnut Avatangiisinut Aqutsisoqarfik ilisimatusarnikkut

arlaannaannulluunniit attuumassuteqanngitsut siunnersortit, tassalu imaappoq Pinngortitaleriffik (GN) aamma Nationalt Center for Miljø og Energi (DCE), qanimut suleqatigalugit VVM-imut nassuiaammik nalilersuisarpoq.

3. *Maanna GME-p børsnotererneqarnermini Kuannersuarni ingerlassamut VVM-imik Naalackersuisunut tunniussaqaarsimanerminik nalunaaruteqarneraniit qaammatit sisamat ingerlasimalerput. Naalackersuisut VVM-imut naliliinissaannut sooq piffissaq taamak annertutigisoq atorreqarpa?*

**Akissut:** Aatsitassanut ikummatissanullu inatsit malillugu, ingerlatassat suliarineqarneranni avatangiisinut sunniutaasussanik nalilersuisoqareerpat (VVM) aammalu inuiaqatigiinni piujuartitsisussamik sunniutaasussanik nalilersuisoqareerpat (VSB), aammalu nassuiaatit Naalackersuisunit akuerineqareerpata, aatsaat piiaanissamut akuersissut aamma ingerlatassanik aallartitsinissamut akuersissuteqarneq nalunaarutigineqarsinnaapput. Suliap ingerlanera piffissamik atuinangaatsiartoq tassani pineqarpoq, tassani tunisassiornerup aallartinnissaa sioqqullugu avatangiisinut sunniisinnaanerit tamarmik nalilersorneqartussaammata aammalu akuersissuteqarnissaq sioqqullugu avatangiisinut paasissutissanik ukiuni arlalinni katersinissaq pisariaqartarluni (paasissutissanik tunngaviusunik katersineq). Aamma tassani Kuannersuarni suliassap annertoorujussuunera aammalu suliassatut pisariusuunera eqqarsaatigineqassaaq.

Ingerlatseqatigiiffiup VVM-imut aamma VSB-imut nalunaarusianut siunnersuutini naammassereerpagit, taakkua minnerpaamik sapaatit akunnerini 8-ini tamanut ammasumik tusarniaassutigineqartussaapput. Piffissami tassani taamatuttaaq tamanut ammasumik innuttaasunik ataatsimiitsitsinernik ingerlatsisoqartussaavoq, tassani soqutigisaqartut suliassamut isornartorsiuisunik apeqquteqarnissamut periarfissinneqassallutik. Allaganngorlugit tusarniaanermut akissuteqaatit aamma tusarniaanermut akissuteqaatit innuttaasunik ataatsimiititsinerni saqqummiunneqartut, itisiliiffiusumik nalunaarusiami nassuiarneqassapput, taannalu Naalackersuisut VVM-imut aamma VSB-imut nalunaarusianut peqatigitillugu Naalackersuisunut saqqummiunneqartussaavoq.

Aatsaat suleriaatsit taakkua aamma misissueqqissaarnerit tamarmik takutippassuk suliassaq avatangiisinut peqqinnissamullu isumannaatsumik ingerlanneqarsinnaasoq, Naalackersuisut aatsitassarsiorfimmuut suliassamut akuersissuteqarsinnaapput taamaaliorumallutillu.

4. *GME-p VVM-imik Naalackersuisunut nalunaarutaani nunatsinni inatsisinut atuuttunut tunngatillugu avatangiisit eqqarsaatigalugit eqquutsitsinissatigut unammilligassartaqarpa?*

**Akissut:** Suliassaq avatangiisinut peqqinnissamullu isumannaatsumik ingerlanneqarsinnaasoq VVM-imut suliap ingerlanerata takutittussaavaa aammalu suliassaq avatangiisinut peqqinnissamullu isumannaatsumik ingerlanneqarsinnaasoq paasinarsisinnerpat aatsaat, Naalackersuisut aatsitassarsiorfimmut suliassamut akuersissuteqarsinnaapput taamaaliorumallutillu. Tamanna soorunami aamma isumaqarpoq suliassap piunasaqaatit avatangiisinut suliassaqarfimmi inatsisitigut piunasaqaatigineqartut naammassisimassagai.

5. *Maanna ilisimaneqarpoq "Tunisassianik marloqiusamik atorneqartartunik avammut annissuineramik nakkutiginninneq pillugu Kalaallit Nunaannut inatsit" (imm. 106) Inatsisartunit upernaami ataatsimiinnermi suliareneqartinnagu Folketingimi oqaluuserineqassasoq. Inatsisissatut siunnersuutip taassuma Inatsisartuniit oqaluuserineqannginnerani Folketingimi oqaluuserineqarnissaanut Naalackersuisut danskit naalackersuisuunik isumaqatigiissuteqarsimasut ilumoorpa? – Akissut aappiuppat, sooq tamanna akuerineqarpa? Pisap tuaviuunneqarnissaa patsisaava?*

**Akissut:** Tunisassianik marloqiusamik atorneqartartunik avammut annissuineramik nakkutiginninneq pillugu Kalaallit Nunaannut inatsisissatut siunnersuut Folketing-imi ulloq 19. april 2016 siullermeerneqartussaalluni oqaluuserisassaniippoq. Tunisassianik marloqiusamik atorneqartartunik avammut annissuineramik nakkutiginninneq pillugu Kalaallit Nunaannut inatsisissatut siunnersuummut oqaaseqaateqarnissaq pillugu aalajangiiffigisassatut siunnersuutip siullermeerneqarnissaa Inatsisartuni ulloq 13. april 2016 siullermeerneqartussatut oqaluuserisassaniippoq.

6. *Apeqquummi 5-mi akissut ilumoorpat Namminersorlutik Oqartussat inatsisaanni §17 imm. 2. unioqqutinneqarpoq, taannalu ima oqaasertaqarpoq. "Imm. 2. Danmarkimi naalackersuisut inatsisissatut siunnersuutitik Kalaallit Nunaannuinnaq tunngasunik imaluunniit Kalaallit Nunaannut immikkut pingaarutilinnik aalajangersakkanik imallit Folketingimut saqqummiutsinnagit, Namminersorlutik Oqartussat oqaaseqaataat utaqgeqqaartassavaat."?*

**Akissut:** Apeqquummut 5-imut akissuteqaatinga innersuussutigissavara.

Namminersorneq pillugu inatsimmi § 17-imut naapertuuttumik aammalu suleriaaseq malillugu Inatsisartuni aamma Folketing-imi ingiaqatigiittumik suliarinninnissaq isumaqatigiissutigineqarsinnaavoq. Taamaaliornikkut inatsisinik suliaqarnerup eqaannerusumik, pisariaqanngitsumik sivisoorsuarmik ingerlanneqartussaannngitsumik, ingerlanissaa qulakkeerneqarpoq. Tassunga atatillugu Namminersorlutik Oqartussat Inatsisartuni aappassaanneerinninnermi akuersissuteqarnermi inaarutaasumik aalajangiinerat, Folketing-imi ataatsimiititaliap attuumassuteqartup aappassaanneerinninnissamut isumaliutersuummik saqqummiinissaa sioqqullugu, pereersimassasoq immikkut pingaaruteqarpoq. Tamatuma kingunerisaanik Folketing-ip inatsisissatut siunnersuutit taakkua suliarineqarneranni Inatsisartut inaarutaasumik aalajangenera ilaatissinnaalissaavaa, taamaalilluni taassuma ataatsimiititaliap suliarinnereernerata aammalu isumaliutissiisummik saqqummeereernerata kingorna aappassaanneerinninnermi akuerineqarsinnaalissalluni.

7. *Taamatut siunnersuutip apeqqu 5-imi taaneqartup Inatsisartunit oqaluuserineqannginnerani Folketingimi oqaluuserineqarnissaa inissaminiippa aammalu pissuserissaarnerua?*

**Akissut:** Apeqqu 6-imut akissuteqaatinga innersuussutigissavara.

Inussiarnersumik inuulluaqqusilluta

  
Vittus Qujaukitsoq